



重訂增補陶朱公致富奇書卷之二目錄

花部

栽花總論

物性土性異同

山茶

瑞香

紫荊

珍珠

海棠

秋海棠

玉蘭

牡丹

杜鵑

川鵑附

繡毬

八仙附

桂花

蠟梅

穠花

茉莉

玫瑰

合歡

郁李

山礬

甘州枸杞

芙蓉

白菱

紫丁香

虎刺

西河柳

凌霄花

金絲桃

金梅附

夾竹桃

柳穿魚

天竹

迎春

金雀附

棣棠

薔薇

刺藤附

十姊妹

酴醾

木香附

錦帶

佛桑

芭蕉

菖蒲

千年

言祥草

翠雲草

金錦草

蘭花

諸蘭附

菊花

芍藥

水仙

蓮花

嬰粟

麗春

剪春羅

剪秋紗附

鳳仙

葵花

百合

金盞

萱草

金錢

銀錢附

雞冠

雁來紅

十樣錦附

白萼

蛺蝶花

決明

紅蕉

石竹

洛陽附

映山紅

淡竹葉

秋牡丹附

花柳分春

京蓼 龍膽草附 金莖

珊瑚

半枝連

笑靨附

竹葉蘭

掛金燈附

紫茉莉

錦荔枝附

觀音蓮

瞿麥

滴滴金

蒿菊附

素馨

紫草

曼倩花

二至花

金燈

虎耳

含笑

玉簇 良姜

番椒 佛頭青附

僧鞋菊

萬壽菊 五九菊

波斯菊 金鈴菊

寶相

枳殼

指甲花

蓼花

藥部

貝母

天門冬

藿香

牛膝

麥門冬

五味子

吳茱萸

五加皮

防風

枸杞

地黃

甘菊

稀莨草

小茴香

黃精

薏苡

紫草

桔梗

紅花

紫花地丁

重訂增補陶朱公致富奇書卷之二

雲間陳繼儒看公纂輯 鍾山石巖逸叟增定

栽花總錄

灌園一事其略有十。雖云小道可質大方。一曰下種。核宜排子宜撒。其法收枝頭乾實懸通風處。臨種少晒。擇向陽之所。以肥土鋪半。將核尖向上排定。再以肥土蓋之。種蓮實亦如此法。子則不然。須以灰泥合半。將子雜拌于中。按法撒之。乾濕得所為妙。二曰分插。先築肥地。以水溲定。擇根旁小枝。連處截斷。次年移之。或用木鈎將條釘地。以肥

土壅之。或將猫竹一節劈開。納泥于中。合縛枝上。或剪尺許。以濕紙包裹。及插芋蔔內。埋土中。置陰處。勿令乾。卽活。三曰。接換。必須相稱。貼大宜高截。貼小宜低截。對接上下各正去半寸。偶接上下各斜去半寸。插接截平本根。削斜分枝。插皮內。合接同種兩枝。各削去半邊。俱用麻縛。篾幫泥封。籜裏四圍。扞棘以防鳥雀。常將水洒。更避日色。若遇狂風大雨。急宜遮護。否則不活。四曰。移植。先記枝之所向。將竹刀掘起。下勿傷根上。勿損葉。如前種之。再加肥土。填滿四邊。又以石竹扞定。麻皮縛牢。以防風擺。又以石子鋪面。以防泥濺。如泥一濺。葉卽黃脫。仍須澆灌。得宜。謹避風日。數日卽活。或云。移栽果木。宜在望前。則子繁多。五曰。修補。須得意趣。去瀝水枝。向下者。刺身枝。向內者。駢紐枝。連結者。冗雜枝。多亂者。風枝。細長者。傍枝。新發者。仍將大枝截去。以馬糞和泥。罨其潤處。或用魚腥水澆之。便生苔蘚。尤助野趣。如欲曲折。略割其皮。隨意轉摺。以椶縛之。六曰。保護。務令適時。倘風日相侵。寒熱暴至。當以布帳遮之。或篾籃覆之。如遇輕陰細雨。淡日和風。出架庭中。勿令着地。恐致根長。及引蟲蟻。盆花之法。莫過于此。或云。花果忌麝。

當雜種葱蒜若爲所觸於上風真流黃氣以解之。七日催養須於冬日將樹掘起洗淨勿傷根芽。當量樹之老嫩於日中晒數日。乾極則洒水。復用肥泥拌宿壤種之。若天煖澆糞數次亦可。但不可晒一面。犯則三面無花矣。又於元旦子時將斧班駁椎之。則結子不落。澆社酒則子繁。又以社日杵百果根。則子大。八日却脚。每于元旦將火遍照植物上。或清明子時將稻草一根縛樹上。或種時將大蒜一枚甘草一寸先放根下。永無諸蟲之患。若有蛀眼以硫黃或荒花塞之。有蟻窠以香油或羊角引之。有蚓穴以鴨糞

或灰水澆之。九日貯土須鋤青草以糞澆之。煨過再澆。如此數次。搗碎篩淨揀去磚瓦草根。收藏缸內。安頓日照雨洒處。或將黃泥浸臘糞中。年餘取出晒乾用之。復將炭屑及瓦片浸糞窖中。以爲鋪盆用。十日澆灌。必分早晚。早宜肥水澆根。其法鋤嫩青草拌陰溝泥。同罨缸內。久則自然流出清水澆之。晚宜清水晒葉。其法取天落水。或河池水。置缸內投石子數枚。澄過洒之。若晚間驟雨。切勿令見。恐烈日晒後熱氣蒸花。故也。或云如欲催花。以馬糞浸水澆之。數日後開者。次日卽開。○一法於臘月之內掘地埋大

至富奇書 卷之二 三
缸或甕入地三四尺許積貯濃糞上用板蓋填土密固至
春末渣滓俱化止存清水名爲金汁凡花草經之無不向
榮山園必當預辦

物性土性異同

花蔬俱宜早鋤而蘿蔔帶露鋤則蟲百穀皆宜人糞而山
藥獨忌人糞萬木皆宜向陽而桑茶杜鵑秋海棠則宜陰
處移竹木俱連宿土而牡丹不宜留土百花木皆畏桐油
蓮花尤甚而花椒獨沃桐油猪糞宜培蒜及諸草木而橘
獨畏之諸草木根或露之而瑞香獨不宜露根風蘭則懸

空而秀巷蔬則拔心不死又如桂不宜帶芽移栽玫瑰最
怕人溺杜鵑不宜肥地取黃楊于黑夜移百木于雨中此
物性不同然也百花忌日中澆灌獨石榴宜澆於烈日之
午又石榴鬱于東移橘柚渡江而化枳南國牡丹甚茂而
蘋婆之果絕無北方則無荔枝龍眼枇杷楊梅之類此土
性不同然也譬如衆竹心虛而桃竹之心獨實萬木實中
而娑蘿之樹朽心海棠不香而昌州者獨馥治業者必察
土性審物性因其利而利之彼鴟夷三徙猗頓五粹郭橐
種樹桑弘牧羊皆緣事制宜因材揆理取其自然之利耳

婦人髮腫用子研末即解

鼻中疳瘡花陰乾為末貼之

山茶吐血衄血腸風下血並用紅者為末入童便薑汁及酒調服○湯火燙傷花研末麻油調塗之
有寶珠楊妃瑪瑙各種喜燥冬春之間俱可移栽二月接以單葉接千葉則花盛而樹久不宜糞今人家園圃所植多單葉深紅花中有黃心者即寶珠茶已自難得白者未之見也

瑞香

急喉風用白色花研水服之立效

有紫白二色紫者香勝芒種時剪取嫩條破開放大麥一粒用亂髮纏之插入土中根旁壅好勿令見日以燂猪瀉澆之或云左手折下隨即扞插勿換右手無不活者又云

澆以小便可殺蚯蚓大凡香花忌糞瑞香尤甚不若壅以頭垢或用浣衣灰汁為妙但香氣繁烈能損羣花世謂之花賊宜令獨處張祠部詩云曾向廬山睡裏聞香風占斷世間春竊花莫怕枝頭蝶驚覺南窗半夢人又云山中瑞彩一朝出天下名花獨見知

紫荆

御犬咬傷用皮為末沙糖調塗留口退腫口中嚼燕杏仁去毒○癰疽發背用皮為末酒調搗住自然撮小不潰

叢生花深紫色二月盡始開花罷葉出根旁生枝分種性喜肥畏水或與棣棠並植金紫相映

珍珠

一名玉屑。葉如金雀，而枝幹長大。三月中開花，花細而白，綴于枝上，繁密如孛婁狀。俗名孛婁花。春初發芽時，分栽張舜民詩云：千璣萬琲照庭除，細雨斜風拂座隅。莫道長官貧似磬，綠階繞砌盡珍珠。

海棠 秋海棠附

花計三種。昌州香海棠難得，西府爲上。貼梗次之，垂絲又次之。二月間將貼梗海棠攀枝着地，以肥土壅之，自能生根。來冬截斷，春半移栽，以櫻桃接之，則成垂絲；以棠梨接之，則成西府；以木瓜頭接之，則成白色。欲其鮮盛，于冬至日侵晨，以糟水或酒脚澆根下，復剪去花子，則來年花茂而無葉。或云木瓜花似海棠花，故亦有木瓜海棠。但木瓜花在葉先，海棠花在葉後，爲差別耳。別有草本秋海棠，相傳昔有女子懷人不至，涕泣洒地，遂生此花，色如婦面，名斷腸花。性喜陰濕，宜種階砌，謂之海棠者，取其色之相似也。顧東橋詩云：陰葉翠瑤濕，薄英紅粉香。絕憐秋苑下，復爾見春光。陳石亭詩云：露浥秋姿膩，風回宮袂涼。無緣被春色，猶得向秋陽。此花盛于金陵，二公金陵人，故賦詩特

工古人味花多未及此。

玉蘭

木筆辛温治五臟身體寒熱久服輕身明目。

出馬跡山紫府觀花開碧白絕無柔條隆冬結蕾尚未放葉花落葉從蒂中生以辛夷並植秋後接之澆以糞水花開最馥辛夷卽木筆也周孺允詩云靈卉無根寄別枝凭欄一笑逞幽姿形過簷蔔禪林見氣溢蘭蓀楚客知鶴寺可令神女降兔園偏與月華宜含芳徒倚無人會馮仗東風細細吹。

牡丹

人家種者惟取觀玩其根皮已失本真不能療疾。

牡丹世稱花王事物紀原云唐武后冬月遣詔遊後苑百花俱開而牡丹獨遲遂貶于洛陽故洛陽花爲天下冠宜秋社前或秋分後緩去宿土勿傷細根隨坐壇內用土輕覆卽以雨水或河水灌之滿壇方止俟次日土乾低凹填滿復澆如初和土白蘇末能殺諸蟲每花一本用末一斤或云牡丹中秋生日移栽必旺須直其根屈之則死此栽花之法也種子則于六月收枝間黑子風眼一日盛以濕土八月以水試之取沉者畦種約三寸一枚來年芽長次年八月可移種性畏日炙夏月須用葦箔遮之此種花之

法也。分花須揀裸大枝多者。八九月間。全根掘出。視可分處。用手劈開。以小麥一握拌土栽。如前法。此分花之法也。接花亦宜。秋社前後。將本枝及分枝各斜削去半。合如一枝。用麻縛定。調泥塗之。以兩瓦固合。內填細泥。待來春去瓦。隨以草蓆圍之。或揀芍藥根。肥大如蘿蔔者。削尖如馬耳。將牡丹枝劈開。如燕尾。插下縛緊。以肥泥培之。卽活。或云。立春如遇子日。於茄根上接牡丹花。不出一月卽爛。慢此接花之法也。澆花亦有候。八九月旬日一澆。宜雨水。立冬後五日一澆。宜糞水。十一月後。搜鬆根土。以宿糞澆一次。或二次。餘宜河水。至冬末地凍。春分花發。夏際天炎。俱不可澆。澆則花開不齊。且多損根鬚。或遇旱。清晨以河水澆之。勿濕其枝葉。一云。牡丹芍藥俱可酒澆。此澆花之法也。培養須八九月時。壅土二寸。三年以內。春夏風日。覆以帳幕。秋冬霜雪。障以棘枝。花未放。去其小蓋。謂之打剝。花纔落。剪其故枝。勿傷花牀。又於冬至日。以鍾乳粉和泥。或黃少許。置根下。或撥開花根。以水中苔衣壅之。則來春花盛。此壅花之法也。折枝插瓶。先燒斷處。鎔蠟封之。可沒數日。不萎。或用蜜養芍藥亦然。如已萎者。剪去下截爛處。用竹

架起於水缸中浸其枝梗。一夕復鮮。此養花之法也。花所
畏忌如香麝油漆。種葱蒜薤薤以辟之。土蚕木蠹填白斂
硫黃以殺之。孝子孕婦庸僧猥尼所剪折。設絕交論以防
之。此醫花之法也。九月取角屑硫黃碾如麵。拌細土挑動
花根壅。罨入土一寸。出二三寸。地脉既煖。立春漸有花蕾。
卽掐去。惟留中心一莖。氣聚則本肥。開時花大如碗。一云
以白朮放根下。諸般顏色。悉是腰金。則又幻花之法也。語
云。弄花一年。看花十日。何可不珍惜哉。白樂天詩云。明朝
風起。應吹盡。夜惜衰紅。把火看。別有草木纏枝。牡丹纏縛
屏籬間。亦有雅趣。牡丹花種數最繁。不能備載。今姑錄其
最著者五十餘種。

姚黃

金帶腰

愛雲黃

黃氣毬

甘草黃

禁院黃

御衣黃

狀元紅

朱砂紅

大紅剪絨

紅綉毬

西瓜穰

映日紅

錦袍紅

石家紅

醉胭脂

壽春紅

醉仙桃

美人紅

海天紅

赤玉盤

鶴頂紅

胭脂樓

雙頭紅

玉樓春

醉楊妃

醉西施

粉霞

輕羅紅

粉綉毬

嬌紅

觀音面

政和春

魏紫

紫綉毬

朝天紫 乾道紫 葛巾紫 腰金紫 紫仙姑

烟籠紫 潑墨 無瑕玉 玉綉毬 羊脂玉

白剪絨 玉天仙 水晶毬 玉版白 一捻紅

玉帶腰 青心白 佛頭青 綠邊白 白舞青猊

杜鵑 川鵑附

花極爛熳。以杜鵑啼時開。故名。長止尺許。先花後葉。性喜陰。畏熱。用山泥揀去粗石。羊屎浸水澆之。更置樹下陰處。則花葉青茂。春鵑長丈許。枝幹盤圓五六臺者。石巖先葉後花。其色丹如血。川鵑一名嬋娟。因花之相似。人皆誤呼為杜鵑。然實非也。

繡毬 八仙附

繡毬花。藤生。初青後白。與牡丹同時開。又一種花小而葉繁者。謂之麻葉繡毬。開亦同時。又八仙花。祇八蕊。簇成一朶。接法。先將八仙梗。離根約七八寸。刮去半邊皮。將繡毬枝亦刮去半邊。用麻縛定。頻頻澆水。候皮連截斷。次年開花。甚茂。眉公秘笈云。蜀中有紫繡毬。

桂 今人家所栽者。乃木樨。非真桂。不可入藥。○同麻油蒸熟。可潤髮。及作面脂。

凡三種。惟深黃者。花繁而香。尤烈。俗呼毬子木樨。早開者。

月桂 子治 小兒 耳後

日蝕
瘡研
之碎敷

為早黃。有結子者。子如青蓮子。核甚大。不發苗。子在閩省。目覩。法於初夏。攀枝着地。以土壓之。逾年截斷。含蕊移栽。灌以猪糞。壅以蚕沙。如蛀損。取芝蔴梗。懸之樹間。能殺諸蟲。汝南圃史云。木樨接石榴。其花必紅。即丹桂也。古詩云。月宮移就日宮栽。引得輕紅入面來。好向烟霄承雨露。丹心一點為君開。又云。秋入幽巖桂影團。香深粟粟照林丹。應隨王母瑤池宴。染得朝霞下廣寒。別有草本一種。名水木樨。春間分種。花色如蜜。香味不減。又有月桂一種。別名月季。俗呼月月紅。韓魏公詩云。牡丹殊絕委春風。露菊蕭疎怨晚叢。何似此花榮艷足。四時常放淺深紅。花謝時摘去其蒂。亦如鳳仙花。發無已。葉被蟲蝕。以魚腥水澆之。

蠟梅

花食之解暑生津。皮浸水磨墨有光彩。

本非梅類。因其與梅同時而香。又相近色。似蜜蠟。故名。凡三種。根旁自生。不經接者。花小香淡。俗呼狗蠅梅。或作九英。以其花九瓣故也。經接而花疎。開時常半含者。名磬口梅。色深黃如紫檀。花簇香濃者。名檀香梅。又名荷花梅。此品最佳。結實如垂鈴。俟熟採取。試沉者種之。浣花雜志云。蠟梅不宜接。但宜過枝。以狗蠅小本栽。大本邊攀其枝用。

麻皮縛緊候皮相粘下截蠟梅上去狗蠅便成佳本春分
 移栽澆糞水吳地花開時無葉葉盛則花已盡矣東粵葉
 落始開峽中地煖花開而葉不落豈風土不同而草木亦
 因之以異耶

薇花

薇花四種紫色之外有紅者有白者曰銀薇又有紫帶藍
 色者曰翠薇搔其膚枝葉搖動又名怕癢樹四月開九月
 歇俗呼為百日紅山園植之亦可作耐久朋也

茉莉

取根酒磨一寸服之昏迷一日二寸二日
 三寸三日今醫生接骨用此則不知痛

此花產於煖地性極畏寒見春風即枯南風尤忌江奎詩
 云雖無艷態驚群目幸有清香壓九秋應是仙娥宴歸去
 醉來卓上玉搔頭種法先除去盆底礮糠易以新泥剪去
 枯枝老葉其旁多插小竹澆以米泔水或燻猪湯六月六
 日以魚腥水澆之霜降以後移至南窗下如極乾燥微濕
 其根或于向陽屋內掘一淺坑將盆埋下以篾籠罩口泥
 實其旁勿使通風或以棉花子覆根半尺仍罩篾籠用紙
 封密數日一開略澆冷茶穀雨方可開戶立夏方可出戶
 藏宜以漸而密出亦以漸而敞有如乍寒遽重裘而微暄

便袒裼其爲中寒之症也。必不輕矣。俟芽長始用糞。次年起根換土。另栽如欲扦插於梅雨時。從節摘斷。插肥地。卽活。如扞瑞香法。閩廣人家悉如之。又法每至秋後。收取殘枝。開畦別種。結茅爲棚。以蔽風雪。遇有日色。開簾晒之。畜鴨千頭。夜宿其下。花根襲煖糞。復壅之。來年花發。其息十倍。

玫瑰

花類薔薇而色紫艷麗馥郁。真奇葩也。正月杪。二月初分栽。壅以溝泥。大凡花木不宜常分。獨此花嫩條新發。勿令久存。移別地。則茂。俗呼爲離娘草。若本根太肥。反致憔悴矣。眉公秘笈云。天台有白色者。燕中有黃色者。

合歡

肺癰唾濁。取夜合皮一掌大。水三升。煮取一半。分二服。○葉洗衣垢易去。

一名夜合。植之庭除間。令人不忿。嵇康云。合歡觸忿萱草。忘憂樹似梧桐。枝甚弱。葉似皂莢。細而繁。互相交連。其葉至暮而合。故名。五月開花。上半白。下半肉紅。散垂如絲。爲花之異品。冬月分栽。

郁李

皮膚血汗。用郁李仁去皮。研一錢。搗鷺梨汁調服。

一名喜梅。千葉繁。花有純紅。純白。粉紅。各種。結子如芡實。

微酸春間移栽高燥處又名郁李

山礬用葉三十片同老姜三片浸水蒸熱洗風弦爛眼○其子熟則可食

出杭州西山葉生不對節凌冬不凋正月開白花細而繁

香甚烈俗名七里香黃山谷水仙賦云山礬是弟梅是兄

甘州枸杞婦人陰腫或生瘡枸杞根煎湯頻洗○月赤生翳枸杞子搗汁日點三五次神效

花紫色清晨澆水則子不落春間分種長至半尺時摘去

其頭

芙蓉癰疽發背乳癰惡瘡以成未成用葉或根皮或花生研蜜調塗于腫四圍中間留頭乾則頻換

純紅者先開淡紅與白者次之醉芙蓉朝紅暮白花極早

與紅者同開冬初剪去嫩條截作一尺掘坑埋之即以土

掩來春於池塘四圍將木釘打穴填糞令滿然後插入上

露寸許遮以爛草方易活王介甫絕句云水邊無數木芙

蓉露滴胭脂色未濃正似美人初醉着強擡清鏡照妝慵

白芙蓉葉霜降後收之陰乾為末可合圍藥

白菱紫藤作煎如糖服之下水瘡病

花如千瓣菱花葉如梔子一枝一花葉托花朵七八月開

花色如至○紫藤春間取根上小枝分種蔓長附于喬木

花紫色垂條綽約可人

杖瘡 腫痛 或花 或葉 入皂 灰少 許雞 子清 塗之

紫丁香

結香附

有紫白二種。花如丁香而小。春間斫根上小枝栽活。來年分種。○結香。花色鵝黃。比瑞香稍長。花謝葉生。品最賤。而性喜清陰。春間取根下小枝。分栽即活。不宜糞。

虎刺

杭之蕭山者佳。宜陰濕地。春初分種。四月間開細白花。花四出。花開時。子猶在樹。花落。又結子。至冬紅如丹砂。遇霜雪不萎。

西河柳

腹中痞積。用西河柳煎湯露一宿。五更空心飲數次。痞自消。

一名觀音柳。一名世絲柳。又謂之檉柳。小幹弱枝。插地即活。葉細如絲。猗娜可愛。花穗長三四寸。水紅色。如蓼花之狀。其花遇雨即開。宜植之水邊。

凌霄花

婦人血崩。以花為末。每酒服二錢。後再服。四物湯。○耳卒聾閉。取葉搗自然汁。滴之。

蔓生。附于高樹。黃梅時。打。或冬月分種。花金黃色。花間露水能傷目。孕婦尤當遠避。

金絲桃

金梅附

金絲桃高二三尺。五月初開花。花六出。中有長鬚。花瓣大於桃。狀如桃花。但色黃耳。春分時候分栽。又一種似梅者。

名金梅其花差小比金桃更勝

夾竹桃

其性治臉與鳳仙畧同

夏間開淡紅花一朶數十萼至秋深猶有之謂之夾竹桃者以其花似桃葉似竹也性惡潔畏寒宜于向陽處肥土栽之冬初取置室中否則凍死唐荆川詩云桃竹舊傳生碧海竹桃今見映朱闌春至芬香能共遠秋來花葉不同殘踈英灼灼分叢發密葉菲菲對節攢不信千年將結子錯疑竹實待栖鸞

柳穿魚

葩甚細色微紺謂之柳穿魚者以其枝似柳而花似魚也

喜陰燥

天竹

人家栽之可辟火災

四五月間開細白花至秋結子成穗色紅如丹砂性喜陰用山黃泥種背陰處不宜糞澆

迎春

腫毒惡瘡用葉陰乾研末酒服二三錢出汗便瘥

春初開花一枝三葉花淡黃色花放時移栽以退牲水澆之○金雀葉如槐而有小刺二月盡始花花色亦黃其形如爵嫩時採下用沸湯焯過輕鹽醃之焙乾點茶甘香可

棣棠

叢生三月開花。如小菊。色深黃。遇風雨卽凋。以發條時分栽。或春分碎嫩枝。扞于肥地卽活。

薔薇

刺蘼附

藤生青莖多刺。立春時折當年枝條。插肥地卽活。浣花雜志云。壓枝爲上。扞枝次之。潮泥易發。黃泥次之。如生蟲。以傾銀爐灰撒之。紅花則有金沙寶相。刺紅紫玫瑰。五色薔薇等。又有金櫻子。佛見笑等。皆薔薇類也。又有黃者。格韻尤高。刺蘼葉細多刺。四月中開花。粉紅色。亦有白者。皮月休泛舟詩。所謂淺深還看白。薔薇者。蓋指野薔薇耳。生水邊。香更濃郁。拌茶煎服。可驅瘴鬼。

十姊妹

七姊妹附

花小而一蓓十花。故名。有紅紫白淡紫四色。正月移栽。八九月扦插。又有七朵一蓓者。名爲七姊妹。似薔薇而小。孟載詩云。紅羅圍結同心小。七葉參差弄春曉。盡是東風兒女魂。蛾眉一樣青螺掃。三妹娉婷四妹嬌。綠窓虛度可憐宵。八姨秦虢休相妒。腸斷江東大小喬。

酴醾 木香附

酴醾一名雪梅墩。多刺。四月初開花。古詩云：開到酴醾花事了。種法：拔條入土，壅泥月餘，俟其枝長，剪斷移栽。○木香開花同時，種法亦同。紫心白花者為最，青心白木香皆不及也。

錦帶

三月開花，形如鋼鈴，內白外粉紅，亦有深紅者。一樹常二色。姑蘇志云：長枝密花如錦帶。王禹偁云：海棠為花中仙，此花品在海棠之上，宜名海仙。詩云：何年移植在仙家。

簇柔條，綴彩霞。錦帶為名，卑且俗。為君呼作海仙花，花極嬌麗，惜乎不香。古詩云：春憎窈窕教無子，天為妖嬈不與香。秋分後，剪枝插土，即活。春分移栽。

佛桑

癰疽腮腫用花或葉同白芙蓉葉及牛旁葉白蜜研膏敷之即効

木槿別種，葉類桑花如牡丹，而尤紅。有淡紅、淡黃者，有單瓣、重瓣者。海槿餘錄云：佛桑花枝葉類江南槿樹，花類中州芍藥，而輕柔過之。開時當二三月，五色婀娜可愛。今吳地亦有此花，自南方移來，但易凍死，藏法與茉莉同。

芭蕉

芭蕉花實兩廣極多他處偶見遂為奇貨種法將至霜降
即用稻草覆之來春芽發時分取小根用油簪脚橫刺二
眼終不長大可作盆玩

菖蒲

蚤虱入耳菖蒲末炒熱袋盛作枕即出○飛絲入目石蒲槌碎左目塞右鼻右目塞左鼻即愈

菖蒲九節仙家所珍其種有六曰金錢牛頂臺蒲劍脊虎
鬚香苗其性見石則細見土則粗夏初竹剪修淨細沙密
種深水蓄之不令見日秋初再剪勿染塵垢及犯油膩霜
降收藏以缸蓋之春末始開務避風霜年久不分漸成細
密矣若石上蒲尤宜洗根澆以雨水勿見風烟夜移就露

日出即收如患葉黃壅以鼠糞或蝙蝠糞用水洒之若欲
其直以綿裹筋頭每朝將之或云四月十四菖蒲生日宜
修剪根葉覆以踈簾微襲日煖則青翠易生尤堪清目蘇
子瞻云無鼻何由識簷蔔有花今始信菖蒲古有四季訣
云春遲出春分夏不惜須剪秋水深深水冬藏密更避
有總訣云添水不換水添者取其鮮見天不見日日恐見天沾
焦黃宜剪不宜分剪頻則粗稀浸根不浸葉浸根則潤見
法具備矣

千年蓋

一名萬年青。葉潤叢生，深綠色。冬夏不枯。吳中家家植之。以盛衰占休咎。造房者連根葉置頂上，以為祥瑞。結姻聘幣者，剪綾絹肖其形，與吉祥草及葱、松四色，並列盆中。種法于春秋二分時分栽瓦盆，置背陰處。四月十四，俗傳神仙生日，刪剪舊葉，擲之通衢，令人踐踏，則新葉發生。盛則再分喜，加肥土澆用冷茶。

吉祥草

家居植之有花則為吉祥

葉如漳蘭，四時青翠不凋。夏開紫花成穗。王元章詩云：得名良不惡，瀟洒在山房。生意無休息，存心固久長。風霜徒

白老。蜂蝶為誰忙。歲晚何人問，山空莫雨荒。

翠雲草

翠雲草，止可供玩而無香，非芸草也。其根遇土即生。見日則消，性好陰。栽于虎刺芭蕉、秋海棠之下，極有雅趣。

金線草

金線草，俗名重陽柳。草類，莖紅葉圓。重陽時發枝條，生紅花附于枝上。雁山志云：即蟹殼草。葉圓如蟹殼，節間有紅線長尺許，或生岩石上，與井池邊。性寒，能治湯火瘡。

蘭花

建蘭 若蘭

杭蘭

真珠蘭

興蘭

賽蘭

風蘭

花有數種。一曰建蘭。莖葉肥大。翠勁可愛。若葉生斑點。謂之蘭。用魚腥水洒之。二曰杭蘭。取大塚。種以黃土。用羊鹿糞澆之。三曰興蘭。又名九節蘭。花有餘香。不足。蕙蘭亦然。一幹一花。為蘭。開在冬春之交。一幹數花。為蕙。開在春末夏初。四曰風蘭。幹短勁。花黃白。不用沙土。取竹籃貯之。懸于有露處。或盛以敝髻。用頭髮襯之。五曰箬蘭。其葉如箬。似蘭無香。六曰真珠蘭。其花色紫。蓓蕾如珠。又名魚子蘭。宜濕喜陰。二月取出。五日一澆。別有一種名賽蘭者。佛家謂之伊蘭。樹如茉莉。花如金粟。好事者易名金粟蘭。殆非蘭種。亦猶蠟梅之於梅花也。相傳培蘭四戒。曰春不出。宜避春。夏不日。避炎日。秋不乾。宜常濕也。冬不濕。宜藏地中。不之風。雪。夏不日。之銷燥。秋不乾。濕也。冬不濕。當見水成冰。

種法。梅雨後。取山土。入火煨過。搥碎。俟九月終。挑起舊本。刪去老根。分種盆內。糝泥壅之。長滿復分。三歲為度。蘭性畏寒暑。尤忌塵埃。葉上有塵。當即洗去。又忌春雪。着點即枯。須以竹籃罩盆。計日轉晒。風雪既却。日色復勻。迨至花發。周圍如一。澆用雨水。河水。或皮屑魚腥水。須四畔勻灌。葉黃。但以清茶澆之。斷斷乎不可用者。井水也。黃山谷云。培以沙土。則茂。沃以茗汁。則芳。或云。盆須水套。可隔螻蟻。

分宜毀盆不傷花根。最爲得之。李延平訣曰：正月相宜置坎方。黎明相對接陽光。更須避冷。藏簷內。勿使春風雪打傷。○二月栽培更是難。須愁葉變鷓鴣斑。庭前移進還移。出惜葉猶如惜玉環。○三月新條出舊叢。雨多切忌向西風。隄防濕處多生蟲。根下猶嫌着糞濃。閩忌春風。何況他境。糞宜全戒。豈但嫌濃。○四月盆泥日晒焦。微微着水灌根苗。先須皮浸河池水。煎過濃茶亦可澆。○五月新條葉更青。綠陰深處架高檠。須防蟻穴根窠下。老葉凋殘盡莫驚。○六月驕陽驟雨加。芬芳枝葉正開花。涼亭水閣堪安頓。否則簷前作架遮。

○七月難然暑漸消。更須三日一番澆。却防蚯蚓傷根本。肥水還令和溺調。○八月之時稍覺涼。任他風日也何妨。經年污水尤爲妙。却用雞毛浸水良。○九月之時有薄霜。階前南向好安藏。若生白蟻兼黃蟻。葉洒清油定不妨。○十月陽生暖氣回。來年花笋已胚胎。玉根不露須培土。盆滿猶宜急換栽。○子月底庭中宜向陽。夜間須用密收藏。長教土面生微濕。乾燥須知葉要黃。○臘月風高霜雪寒。漸收煖閣避風鑽。直須解凍春前動。移向庭前對日看。

菊花

惟甘菊花
療疾最良

菊性喜陰而種陰處又不發。菊性喜濕而有積水又枯稿。其法有九。一曰養胎。冬初菊殘折去枝葉掘地作潭埋根其內。糝以新泥澆糞數次。菊本既壯春苗乃發。二曰傳種。凡遇奇種用朽木鑽眼插秧其上。浮之水缸俟其生根移栽陰地。或插泥丸埋之土中。依法澆灌數日即活。若得接本須于花後將枝按下橫埋肥土。每近節處自然生苗。收其中幹花本不變。三曰扶植。倒鬆肥土加以濃糞堆土令高。移花種之。仍覆碎瓦以防泥濺。蒔苗既活扶以小竹。四曰修葺。仲春取老根淨去宿土。雨過分之。土不宜肥。肥則癢頭。仍以箔覆。勿經日色。清晨水澆。謂之分秧。分秧後俟高數寸。摘去其頭。令生岐枝。繁者勿刪。多存以備蟲傷。長及一寸。用籃蓋覆。月覆九日。有出籃者則掇其腦。秋分方止。夜去其籃。出以承露。花開平齊。謂之摘頭。頭既摘。葉間生眼。亦須掐去。勿使奪力。謂之掐眼。菊花貴少。枝留一莖。挑去細莖。氣力既併。花開倍大。謂之剔莖。五曰培護。菊雖傲霜實則畏之。俟莖未開。移至宇下。根縛紙條。就盞引水。根潤花滿。可翫月餘。若有黃葉。以韭汁澆根。則青茂如故。六曰幻弄。先於春初擇取老艾。剪其枝葉。故土培之。接以

諸菊將本上封固接頭。俟其枝茂，然後去之。秋深花開，各依本色。或于九月收霜貯瓶，埋之土中。菊有含蕊，調色點之，透變各色。或取黃白二菊，各披半邊，用麻紮合，則開花半白半黃。如欲催花，先將龍眼殼罩菊蕊上，隔夜澆硫黃水。次早去殼，花即大開。七日土宜，須擇好地。大糞酵三次，收之室中。春初出晒，搜去蟲蟻，蒸羅既淨，以俟登盆之需。遇雨根露，覆以餘土，不使根爛。八日澆灌，春用蚕沙，夏用毛水。立秋後，酌用糞水。初次糞一水，三二次水倍之。三次糞水相半。花蕾既結，始用純糞。九日除害，夏至前後有黑

色蟲，名曰菊虎，又名菊牛，宜于早間及巳午未三時尋殺之。如被嚙傷，此葉偏垂，急摘去之。庶免毒攻，致生秋蟲。又有傷根者，曰蚯蚓，以石灰水灌。河水解之。癭頭者，曰菊蟻，以鱉甲置旁，引出棄之。瘠枝者，曰黑蚰，以麻裹筋頭，輕拈去之。賊葉者，曰象幹蟲，以鐵線磨鋒，尋穴殺之。菊有粗葉細葉不同。粗葉如七色鶴翎，狀元紅，狀元紫，福州紫，洒金香，倚闌嬌，羅傘，紫袍，芙蓉，絞絲鎖口，佛頭，二喬，金菊之類。最愛肥濃。除六月外，間三四日一澆，愈肥愈盛。細葉如飛金翦草，大小攢花，翦綃，銀薇，牡丹，蘇桃，繡毬，嫦娥，獅蠻，撮

頭等類。只可在初種時。用淡糞水澆一二次。稍以濃肥者。灌之。反致腐敗。至于月下蠟瓣。葡萄。西施。四種。切不可見糞。一澆。卽葉大頭籠。消乏無蒞矣。尤當辨之。按菊譜。有品第說。或問菊奚先。曰先色。與香。而後態。曰然。則色奚先。曰黃黃者。中央之色。易曰。黃中通理。詩曰。綠衣黃裳。土旺季月。而菊以九月花。金土之應。相生而相得者也。其次莫若白。西方金氣之應。菊以秋開。則於氣爲應。鍾焉。紫爲白之變。而紅又紫之變也。紫爲白之次。而紅又紫之次也。有色矣。而後有香。有香矣。而後有態。是爲花之尤著也。或又曰。花以艷媚爲悅。而子以態爲後歟。曰。吾嘗聞諸古人矣。妍卉。凡花爲小人。而松竹蘭菊爲君子。安有君子而以態爲悅歟。若有香有色。而又有態。是君子而有威儀也。又嘗聞昔之譜菊者。每稱勝爲最。勝故在也。擬之金鶴翎。非其所彷彿耶。抑見愛者衆。而逞詭獻奇耶。班志有曰。小說家流。千三百八十三篇。蓋出於稗官道塗之說也。

芍藥

婦人赤白帶下。取白芍炒黑研末。酒服之。

洛陽牡丹。廣陵芍藥。古來並傳。故芍藥亦號花相。治花之法。八九月時。悉出其根。滌以甘泉。隨用竹刀剖開。剝去老

致富奇書 卷之二
腐先將猪糞和泥分種向陽處然分不欲數數則花小種不欲深深則花衰種後培以雞糞渥以黃酒則花能改色開時扶以竹篠則花不傾倒有雨遮以葦箔則花堪耐久花既委落亟剪其子屈盤根條使不離散則脉氣皆歸于根明年花繁而色潤芍藥之名雖減于牡丹然總計之豈下數十種亦載其最著者

御衣黃 御愛黃 青苗黃 尹家黃 鮑家黃
硃石黃 道士黃 黃樓子 縷金囊 如鷺黃
紅都勝 霓裳紅 紅樓子 二色紅 髻子紅

緋頭緋 冠羣芳 簇紅絲 畫天工 醉嬌紅
怨春妝 寶妝成 紫都勝 包金紫 玉盤盃
玉逍遙 玉版纈 玉冠子 玉樓子 取次妝

金繫腰 金帶圍 合歡芳

水仙 根治癰腫及魚骨硬婦人五心發熱用花同乾荷葉赤芍藥等分爲末白湯每服二錢

水仙有凌波之名俗呼爲金盞銀臺單瓣者佳五月初旬起根小便浸之逾月取出懸近灶烟處至八九月間純用猪糞拌土植之灌園史云和土晒煖半月方種覆以肥土霜降後遮護霜雪仍留南向小戶天暖卽開晒之黃山谷

漆瘡
作瘡
川乾
荷葉
煎湯
洗之

詩云何時持上紫宸殿。乞與宮梅定等差。其見重如此。凡花忌水。鹹惟梅花水仙。插瓶用鹽。無訪便民圖。總曰六月不在土。七月不在房。栽向東籬下。寒花朵朵香。

蓮花

催生用花一瓣。寫人字吞之。○天泡瘡用蓮蓬殼燒存性。并泥調塗。○凍脚裂。拆蒸熟藕。搗塗。

蓮花種色甚夥。有分枝蓮。睡蓮。金蓮。夜舒蓮。碧蓮。十丈蓮。黃蓮。藕合蓮。四季蓮。惟釣仙池分香蓮為冠。大約白者香。而藕勝紅者艷。而蓮勝種法。驚蟄後先取田泥築實缸底。復將河泥平鋪其上。日晒開裂。雨則蓋之。直至春分將秧分種。枝頭向南。壅好勿露。夏日酷烈。勿令水乾。冬天凍結。

宜遮稻草。一說藕根下略摻硫黃少許。種盆蓮法。將乾黑蓮實裝入卵殼中。令雞母同抱。候子雞出。取天門冬搗末和泥。安置盆內。收蓮實種之。花開如錢。養花法。瓶貯溫湯。以紙蒙之。削尖花枝。隨手急插。

嬰粟

丹石發動。飲食不下。用子和竹瀝作食。

嬰粟者。麗春別種也。種具數色。宜中秋夜。或重九日。裸形種之。兩手交換撒子。復以竹帚掃勻。則花重臺。而千葉。須先糞地肥鬆。後以墨汁拌撒。以泥蓋之。可免蟻食。苗出後。始澆清糞。長則以竹篠扶之。若土瘦種遲。變為單葉矣。單

葉者子必滿取供清味蘇子由居潁川家貧不能辦肉每
夏秋之交菘芥未成則盤中索然或教種罌粟決明以補
其匱作詩云築室城西中有圖書窓戶之餘松竹扶踈拔
棘開畦以毓嘉蔬畦夫告子罌粟可儲罌小如罌粟細如
粟與麥借種與稌皆熟苗堪春菜實比秋穀研作牛乳烹
爲佛粥老人氣衰飲食無幾食肉不消食菜寡味柳錕石
鉢剪以密水便口利喉調養肺胃三年杜門莫適往還幽
人衲僧相對忘言飲之一杯大笑忻然我來潁川如遊廬
山。

麗春

黃疸用根搗汁一盞空心頓溫服須臾卽行三
兩次其疾立已一劑不痊隔七日再一劑未瘥

叢生莖葉實皆似罌粟而莖有毛一本數十花又名蝴蝶
滿園春鎮江呼爲百般嬌吳俗呼爲虞美人蓋罌粟之別
種也一云此花不可移一移遂成單葉

剪春羅

火帶瘡遶腰生者采
花或葉搗爛塗之

剪春羅一名碎剪羅五月開花雄黃色花瓣類剪刀痕每
葉一花○剪秋紗一名漢宮秋八九月開花深紅色亦如
刀剪之狀喜陰忌糞肥土種清水澆

鳳仙

名急性子婦人難產催生用子二錢研末水服
勿近牙齒外以蓖麻子隨年數搗塗足心卽下

馬或
患病

用白
原花
帶根
葉搗
膏抹
其眼
四角
汗出
即愈

一名金鳳花。形宛如飛鳳。故名。春間撒子。五月開花。至秋子落復出。又有花遇霜而稿。有淺深紅紫洒金純白六七餘品。又有單葉重葉之異。

葵花 小便血淋。葵花根二錢。車前子一錢。水煮。日服之。即愈。

蜀葵花似木槿而大。八月下種。十月移栽。明年四月始花。有深紅淺紅。有紫有白。若插瓶中。以紙塞口。則不憔悴。秋葵與蜀葵別種。葉尖多缺。如龍爪。花密。色紫心五瓣而側。朝開午收。暮落。結角六稜。有毛。子如茴芥子。難產。催生之聖藥。錦葵。即荆葵也。稍矮而叢生。花大如五銖錢。止有粉間深紅一色。一種向日。葵花大如碗。其心向陽。故名。又一種北蜀葵。一名山芥。即芭也。春間移種。

百合

陰毒傷寒。用百合煮濃汁。服一升。○天泡瘡。生百合搗塗。白者可用。

根小者如蒜。大者如碗。數十片相累。如白蓮花。故名百合。言百片合成也。有一種白者極香。花重常傾側。名天香。中有檀心。花色初青黃。後純白。百合之最上乘也。又一種名麝香。其花葉與天香相似。但短而繁。又一種如萱花。紅斑而小者。名曰虎皮百合。不香。法於二月取根。大者畦種。如種蒜法。壅以雞糞。或云移在開花時。則來年復有花。一種

山丹又名渥丹。花深紅色。亦百合之類。

金盞

治腸痔下血不止。煮食之甚良。

花如小盞。與單葉水仙同。故名。金盞葉淺綠。花金紅色。八月中下種。即出。臘月開花。至春尤盛。四時相繼不絕。又名常春花。結子彎長。與諸卉迥異。子落自出。不必分栽。

萱草

食之令人歡樂。無憂。輕身明目。○大便後。血管草根。同生姜油炒。酒衝服之。

一名忘憂。一名宜男。鹿食九種解毒之草。萱乃其一。又名鹿葱。春間移植畦中。一年後即稠。黃花菜。即萱花也。花六出。朝間暮萎。至秋深乃盡。今北地所收紅花菜。名石榴紅。

又一種金萱。五月初開花。花小而香。鶯黃色。名麝香萱。

金錢

銀錢附

一名子午花。午間子落。吳人呼為夜落金錢。又名川蜀葵。花在葉間。類黃蜀葵而小。故有葵之名。花深紅色。亦有玉色者。高僅尺許。三月下子。俟長二寸。扶以小竹。七月中開花。結黑子。玉色者名銀錢。白氏集云。能買三村景。難供九府輪。

雞冠

糞後下血。白雞冠花并子。炒煎服。○五痔肛腫。用雞冠鳳眼草。各一兩。水二碗。煎湯頻先。

清明撒子。撒高則高。撒低則低。盛扇撒之。則如團扇散髮。

婦人白帶
白雞冠花

曬乾 爲末 每旦 空心 酒服 三錢 赤帶 用紅 者

撒之則成瓔珞白者治婦人淋症赤痢用紅花白痢用白花皆酒煎服可効

雁來紅 十樣錦附

雁來紅俗呼老少年春分下種出後移栽其葉初生時即純紅又一種葉綠初出時與莧無異秋深秀出新葉紅黃相間者名爲十樣錦周子羽題雁來紅詩云翔雁南來塞草秋未霜紅葉已先愁綠珠宴罷歸金谷七尺珊瑚夜不收說者以爲絕唱

白萼

乳癰初起內消用白萼根搗爛絞汁酒服以渣敷之

一名玉簪花未開時其形如簪潔白如玉清香襲人春初移於肥土性好水盆石中尤宜含蕊之時納粉少許女子清晨傅面尤能助粧又一種花葉俱小色淺紫名爲紫萼先白萼一月開花不香

蛺蝶花

咽喉腫痛用射干根同山豆根爲末吹之如神

即射干其花六出色黃上有紅點中抽一心心外黃鬚三莖繞之結莢有子葉類萱而扁以花似蝴蝶故名浣花雜志云開花於春末結子於夏初壅以無灰雞糞然亦不宜久淹八月下子二月移栽高阜處唐荆川詩云蜀地羅裁就漆園夢始通何言金翅色翻在碧林中未辨逍遙影爭

至... 卷之二
矜點綴工採春蜂趁侶啄藥鳥啣垂易濕緣多粉難飛詎少風美人笑來撲誤使損芳叢

决明

目赤腫痛頭風熱痛並用决明子炒研茶調敷兩太陽穴乾則易之一夜即愈

夏初下種苗高四五尺六七月開黃白花秋深結角初出苗及嫩葉嫩莢皆可食俗名望江南蘇子由云間居九年祿不代耕肉食不足藜蒸藿羹多求異蔬以備晨烹秋種罌粟春種决明决明明目功見本草食其花葉亦去煩惱有能益人矧可以飽三嗅不食笑杜陵老霏雪錄云人家園圃中四旁宜種决明蛇不敢入

紅蕉

種自閩粵中來一名蘭蕉俗名美人蕉花若蘭而色若榴二月下子冬初放向陽屋內掘坑埋之如乾燥潤以冷茶來春取出然種子不如分根當年即花

石竹

洛陽附

二種相類開亦同時千瓣者名石竹單葉者名洛陽石竹枝葉如茗如剪碎者洛陽將開如捲旗以漸舒展八月下子土肥根潤則變色極多

映山紅

映山紅花小兒宜食之○小兒虛腫史君子一兩去殼密五錢炙盡爲末每食後服一錢

本名山躑躅花似杜鵑稍大。單瓣淺色。若生滿山。其年豐稔。又有紫粉紅二色。以羊屎浸水澆之。○史君子夏間開花。柔條艷質。綽約如海棠。扶以小竹。

淡竹葉 去煩熱利小便清心根能墮胎催生

處處有之。三四月生苗。紫莖竹葉。花如蛾形。兩葉如翅。碧翠可愛。畫工採其花。取汁作畫。○秋牡丹。嗅之微臭。春分移栽。九月中先菊而開。單葉紫色。有類于菊。以葉似牡丹故名。

花柳分春

京蓼

金莖

龍膽草

春間分栽。宜燥土。○京蓼。紅白二種。白者為白蘋。二月下子。○金莖。花態輕盈。美人取以助粧。○龍膽草。一名陵游花。極媚。

珊瑚

葉如山茶而小。夏開白花。秋結紅實。纍纍可愛。二三月分栽。別有一種。雪裏珊瑚。蔓生莖有毛。秋結子。經霜紅如珊瑚。

半枝蓮

蛇虻咬傷搗汁飲之。以滓塗于四圍。

小草也。生陰濕墜壑邊。就地引蔓。生細葉。秋開小花。淡紅。

紫色。止有半邊。如蓮花狀。故名。又名急解索。○笑靨一名御馬鞭。根旁發生。春間分栽。花細如豆。一條千花。望之若堆雪。

竹葉蘭 被斫斷筋。用鼓子花根搗汁。瀝傷中。仍以滓敷之。三日一換。半月斷筋即續也。

一名鈴兒草。花似鋼鈴。隨地有之。○掛金燈。一名鼓子花。其花如拳不放。頂慢如缸鼓式。色微藍。昔有狀元佳對云。風吹不響鈴兒草。雨打無聲鼓子花。

紫茉莉 錦荔枝 觀音蓮

一名狀元紅。春間下子。花紫葉繁。早開午收。三日後結子。

○錦荔枝。蔓生紅黃色。狀似荔枝。故名。瓢如血塊。味雖甜。不可啖。○觀音蓮。一名旱金蓮。一名一瓣蓮。葉如大芋。秋間開白花。止一大瓣。如蓮。蓮葉中花蕊頗類佛象。故名。

瞿麥 子死腹中。數日產不下。以瞿麥煮濃汁服之。即下。

一名大蘭。一名天菊。葉似初生竹葉。而細莖有節。稍間開花。有紅白紫赤各種。正月下子。或分栽。○鐵線蓮。一名番蓮。喜燥地。○珠簾。一名珍珠佩。春間分栽。○青鸞。一名紫鸞。春間分種。冬藏向陽之處。時以冷茶潤其根。

滴滴金 中風壅滯。用花洗淨焙乾。煉蜜丸。梧子大。夜臥茶湯下。五九七九十九。

風虫 牙痛 用羊 躑躅 一錢 草烏 錢二 錢半 為末

一名旋覆花。葉如柳。花附莖而生。如單葉菊。而色黃。其花上露滴地。即生。最易茂。○蒿菊。一名茼蒿。八九月下。一至春採食。花如單瓣甘菊。深黃色。一花結子近百。

素馨

黃馨 金鍾

繅絲 九龍

羊躑躅 天棘

一名六月雪。喜殘茶。春間分種。或黃梅時扞。○黃馨。一名黃茉莉。花極繁盛。種法與素馨同。○繅絲。一名刺桐。柔條白花。○羊躑躅。有紅黃各種。宜山地。○金鍾。臘月春初插地。即活。○九龍。春間或黃梅時移栽。○天棘。一名萬歲藤。葉如綠絲。

紫草

自紫果家園常種。只可摘葉供食。餘無所取。

蔓生。附小竹引上。葉圓而肥滑。嫩時可食。和蟹肉同煮。其味尤美。七八月生果。蕃衍。熟時汁可染物。色甚紫。但易褪耳。經霜子墮地。向春自出。移栽肥地。即活。

曼倩花

一名諸葛菜。秋間撒子。性喜霜。春初移栽。亦可。花之狀似菜花。而紫色。莢長。子多。相傳孔明行軍。令士卒隨地栽之。人馬俱食。

一至花

枝柔葉細。花耐久。開于夏至。斂于冬至。故名浣花。雜誌云。性易栽。好潔惡糞。熟豆壅之。則茂。

金燈

花開一簇。五朶。金燈深紅。銀燈蜜色。獨莖透上。卽開。花太倉志云。金燈俗呼忽地笑。穿山甚廣。重九登高。燦若丹霞。亦奇草也。

虎耳

痔瘡腫痛。陰乾燒烟。桶中熏之。○
瘟疫。搗酒服。○停耳搗汁滴之。

俗呼金絲荷。葉蓋其葉。類荷而有金絲繚繞。故名。三四月間開白花。小孩耳病。取汁少許。滴入耳中。卽愈。浣花雜誌云。春初栽于花砌間陰處。常以河水澆之。卽活。性喜濕。乾久則稿。

含笑

玉簇 番椒 高良姜
佛頭青

出粵中。花似蘭而開不滿足。若含笑之狀。○玉簇出閩中。冬初藏向陽室內。土燥。畧洒殘茶。仲春取出。○番椒叢生。花似秃筆頭。紅如血。味辣。可充花椒用。○高良姜一名紫羅攔。俗名墻頭草。花紫色。○佛頭青一名三醉。

僧鞋菊

萬壽菊 五九菊
波斯菊 金鈴菊

苗如蒿艾。開花碧色。狀如僧鞋。故名。○萬壽菊春間下子。

霍亂 嘔吐 不止 用高 良姜 根生 到二 錢大 惠二 枚水 煎冷 服立 止

宜肥。○五九菊。五月九月開花。故名。○波斯菊。一名番菊。花茶褐色。氣味甚惡。畏烈日。○金鈴菊。一名佛頭金。

寶相

花較薔薇。朵大而千瓣。塞心有大紅彩紅二色。

枳殼

花細而香。聞之破鬱結。籬傍種之。實可入藥。

指甲花

生杭之諸山中。花如蜜色而香甚。用山土移栽。盆中亦可供玩。

蓼花

脾氣風癢用花並葉煎汁洗之甚良。

花開蓓蕾而細長二寸。枝枝垂色。彩紅可觀。惟水邊更多。俗名水紅花。

貝母

冷淚目昏。貝母一枚。胡椒七粒。為末點之。目生翳肉。貝母丁香等分。為末。乳汁調點。

一名商草。川浙出者入藥。吳地亦產。莖葉俱似百合花類。鋼鈴。淡綠色。花心內紫白色。與蘭花心無異。昔年同鄰叟劉鳳來宿支硎。聞楊姓古塚有此花。冒雨而往。取有根者植之盆中。次年發花。無根者插於水瓶。鮮妍不萎。勝遊如昨。知已云亡。為之一慨。

地黃

主男子五勞七傷。女子傷中。胞漏下血。去胃中宿食。補五臟。利耳目。久服輕身。鮮者尤良。

葉如小芥。莖有細毛。花紅黃色。實如小麥粒。根如手指。曝乾。乃黑。古人種子。今惟種根。臘月取地黃。切二寸長。分畦種之。蓋以熟土。覆以經冬爛草。自春至秋。凡五六耘。不得鋤。本草云。二月八月採。殊未窮物性也。八月殘葉猶在。葉中精氣未盡。歸根。二月新苗已生根。中精氣已滋。不如正月九月採者。妙。江浙出者。受南方陽氣。質性光潤。而力微。懷慶出者。稟北方純陰。皮有疣瘖。而力大。食其葉。亦大有益。

天門冬

其功與麥冬同。赤松子食之。齒更細。髮復出。甘始食之。在人間三百餘年。補益之功莫大。

兖州温州出。山谷俱生。種肥地。其根易茂。夏秋取根。須留一分小者。隨即栽之。不時上糞耘草。

甘菊

治諸風頭眩。腫痛。除胸中煩熱。作枕。明目。久服。輕身耐老。延年。其葉之功亦同。

甘菊莖紫。氣香。味甘。陸龜蒙採杞菊春苗。以供左右。孟案。因作杞菊賦。常服却老。延年採花去蒂。入橙瓢。蜜浸沸湯。充。啖。清香。解酒。穀雨前後分栽。摘去長根。種不宜密。山野間。味苦。莖青者。名曰苦蕒。勿用。

藿香

暑月吐瀉。藿香二錢半。滑石二兩。丁香五分。為末。每服二錢。米泔調。胃熱口臭。煎湯頻漱。即解。

春間下子。六七月開花。花紫色。有薄荷紫蘇二種。紫蘇馨香入藥。摘青葉炮湯飲之。可除霍亂。

稀莨草
久瘧痰癆。搗汁取吐。虎傷搗敷。丁瘡腫毒。端午收。晒乾為末。每服半兩。熱酒調下。出汗。

人家園圃中處處有之。五月五日。七月七日。九月九日。刈取曝乾。九蒸九晒。製為丸藥。或以釀酒。時常服之。仙方云。長生保命。莫妙于稀莨草。其功不可枚舉。

牛膝
勞瘵久不止。用牛膝一握。生切。以水六升。煮二升。分三服。清晨一服。未發前一服。臨發一服。

葉如夏蘭。莖本赤。花作穗。結實甚細。一名百倍。一名對節。葉懷慶出者良。雌者節細。莖青。根短。堅脆。無力。雄者節大。

莖紫。根長。柔潤。有功。二月種。肥地。秋間採根。

小茴香
辛溫。下氣。利膈。治小兒氣脹。霍亂嘔吐。及腹冷。不下食。

一名茴香。三月中種子。仍種商麻。幾窠。以遮夏日。八九月

收子。陰乾。十月。碎去枯梢。糞土壅根。則來春復發。分種亦可。其番舶八角茴香。與中國迥別。但氣味同耳。

麥門冬
治心腹結氣。腸中傷飽。五勞七傷。安魂定魄。久服明目。輕身。不老。不饑。令人肥健。有子。

一名階前草。一名羊韭。葉如韭。又如莎草。四時不萎。根黃

白色。似麥。而有鬚。花如紅蓼。實碧。圓如珠。四月初取根。栽肥地。每年六月。九月。十一月。三次上糞。芸鋤。夏至前採收。

服分三升 煎九 一合

黃精 補中益氣潤心肺益脾胃補五勞七傷久服輕身延年須九蒸九暴食之良

山谷土肥俱有茅山嵩山者良莖類桃枝脆柔一枝單長葉如竹葉畧短兩節對生花開似赤豆結實如白黍米陶隱居曰葉不相對者為偏精一云即葳蕤偏精不如正精之有效種法與地黃同冬月挖根與嫩薑一般又有一種鈎吻即野葛也相似實非能殺人

五味子

陽事不起用新五味子一斤為末酒方寸七日三服

江北者良分根種當年即旺子種者次年纔旺蔓長引上葉似杏而尖圓花若蓮而黃白結實叢綴不異櫻珠

薏苡

其補益之功不能枚舉宜常服之

出交趾者子最大葉類垂黍花淺黃春間隴內點種霜降後收確去殼取仁色白如糯米可作粥又一種圓而殼厚者為菩提子

吳茱萸

冬月感寒吳茱萸五錢煎湯服之取汗酸心上攻吳茱萸一合水三盞煎七分頓服神効

產吳地者入藥故有吳之名枝柔而肥葉長而皺實結于稍頭纍纍成簇而無核春間種高燥處重陽採收陰乾勿使烟薰用時揀去中間黑子王行志云舍東種茱萸白揚增年除害

紫草

痘毒以根一錢陳皮五錢葱白三寸新汲水煎服小兒白禿用根煎汁塗之

宜種鬆沙地三月採去根取茸煎汁染紫苗生時拔去根旁之草若用鋤恐傷其根耳

五加皮

治疝氣腹痛益氣療瘧治小兒三歲不能行及女人陰癢久服補中益精輕身耐老

性喜肥春分移栽秋分後扞亦活清明時取未放葉嫩芽

鹽淖燻乾翠色可愛用以點茶皮可釀酒昔有王屋山人

云寧得一把五加不用金玉滿車

桔梗

治牙疳臭爛用桔梗苗香等分燒研末敷之

一名齊苳一名利如有紫白二種春間下子或分栽壅以

雞糞○枳殼花細而香聞之破鬱結莖多刺

防風

治男子一切勞劣補中益氣○偏正頭風用防風白芷等分為末蜜丸彈子大每嚼一丸茶下

葉似青蒿而矮根與蜀葵相類種法與種菜同五月開細

白花。花心攢聚如蒔蘿子如胡荽苗可食爽口去風

紅花

味辛逐腹中惡血及婦人產後敗血又能補血虛補血暈

二月八月十二月皆可種雨後漫撒爬勻如種麻法五月

開花乘露收之曝乾染真紅博物志云張騫得種於西域

今處處有之

枸杞

治五內邪氣寒熱頭痛內傷大勞補精不足久服堅筋骨明目安神輕身長壽

二月移栽即活。苗嫩時可食。開紫花。秋結紅果。採取曝乾。入藥堅筋骨補虛勞。諺云。去家千里。勿食枸杞。謂能助陽也。老本虬曲可愛。吳中好事者。植盆中為几案供玩。

紫花地丁

一切癰腫發背。丁瘡腫毒。用紫花地丁草白麩和一宿貼之。神効。

一名箭頭草。一名獨行虎。處處有之。葉似柳而微細。夏開

紫花結角。平地生者起莖。溝壑邊生者起蔓。又一種夏秋

開小白花。如鈴兒倒垂。微似木香花之葉者。此與紫花者

相戾。紫花治無名諸腫。○牽牛有黑白二種。黑者碧花。白

者紫花。喜附高樹。又有一本二色者。名曰黑白江南花。

小兒夜啼 黑牽牛一錢水調敷 即止

重訂增補陶朱公致富奇書卷之二目錄

畜牧部

養蠶

養魚

養鶴

養牛

養馬

養猪

養羊

養雞

養鶩

養鴨

養蜜蜂

養猫

附

耕種吉凶

田家曆

每月栽種書

重訂增補陶朱公致富奇書卷之三

雲間陳繼儒眉公父纂輯 鍾山石巖逸叟增定

養畜蕃滋功伴種植音爰求水陸生生不匱三徙陶朱

無往非利集畜牧

養蠶酒後咳嗽用白殭蠶焙研末每服一錢耳聾用蠶退紙作撚入麝二錢入筆筒燒烟熏之三次

養法有十繭種為先陳志弘云繭之尖細緊小者為雄圓

慢厚大者為雌開簇時相兼而收七日而蛾生若有拳翅

禿眉焦尾赤肚無毛及先出末後生者各揀出不用止留

同時出者雌雄相配自辰至亥方柝厥氣乃全生子既足

三日後移蛾下連。至十八日後清晨汲井水浴一次。澆去蛾之便溺毒氣。夏秋於通風涼房內連背相靠鈎掛。至十月內捲收於無烟淨屋內。頓放臘月八日依法浴畢。用竿高掛於中庭。以受日精月華之氣。此擇種之法也。

蠶未生之前預淨蠶室。勿令南風吹地氣蒸。蟻生四五日後用炭火薰煖室中。蠶變白色已全于無烟處捲放東方。白時將連鋪箔上。候黑蟻全生。和蟻秤連記號。分兩冬。寡此。生蟻之法也。

蟻生足。勻鋪細軟葶草。切細桑葉。摻于葶上。隨將蠶連翻搭葉上。蟻自下連。有不下者。以鵝毛輕輕拂下。却秤空連。便知蠶分兩。三兩蟻可布一箔。老可三十箔。量葉放蟻。慎勿貪多。此下蟻之法也。

蟻初生。將次兩眠。蠶屋正要暖。蠶母須着單衣。可知涼煖。自身覺寒。蠶亦寒。便添熱火。若自身覺熱。量去火。一眠之後。天氣晴明。於巳午時間捲起窗薦。以通風日。至大眠後。天氣炎熱。却要屋內清涼。務須臨時斟酌。此涼煖之法也。蠶必晝夜飼。若頓數多者。早老。少者遲老。二十五日老。一箔可得絲二十五兩。二十八日老。得絲二十兩。若月餘。或

四十日老止得絲十餘兩葉要均勻若值陰雨天寒用火照箔逼出寒濕之氣然後飼之則蠶體快而無疾候十分眠纔可住食至十分起方可投食若八九分起便投葉飼之到老不齊又多損失停眠至大眠見蠶有黃光便住食此飼養之法也

蠶住食卽分擡去其燠沙不然則先眠之蠶久在燠底濕熱薰蒸必變爲風蠶擡蠶時不可將蠶推聚吞受鬱熱必病損作薄繭眠初起時值烟薰必多黑死食冷露濕葉必成白殭食舊乾熱葉則腹結頭入尾小穴倉卒開門暗值賊風必多紅僵若高撒遠撒蠶身與箔相擊後多不旺俱宜防之此分擡之法也

切極細桑葉微篩不住頻飼一時辰可飼四頓一晝夜飼四十九頓或三十六頓第二日飼至三十頓第三日飼至二十頓凡擡飼宜暖此初飼之法也

擡飼一晝夜可飼六頓次日可漸加桑葉向黃之時宜極暖此頭眠之法也

擡飼起齊投食宜薄撒桑一晝夜只可飼四頓次日漸漸加葉此停眠之法也

到富子書 卷之三
三
候十分起齊投食一晝夜可飼三頓次日七八頓午後天氣晴暖磨菜豆粉白米粉或熟黑豆粉與切下桑葉將温水拌勻一箔用粉十餘兩却減葉三四分隔一日再如此飼一頓不惟解蠶熱毒抑且絲多而堅韌有色此大眠之法也。

三眠起每日再吃十五六頓約四五日即老上山時候以稻草爲簇布蠶於其上令其作繭七日可摘取長而瑩白者絲細大而晦色青葱者絲粗縲絲莫精于南潯人綿以蛾口爲最上岸次之黃繭又次之繭衣爲下蛾口者出蛾之繭也上岸者縲湯無緒撈出者也繭衣繭外之蒙戎蠶初作繭而營者也自蟻而三眠俱用切葉三眠之後不用切忌油蘗氣煤氣尤忌零陵香蠶室不可容生人入內蠶婦不可食葢食蠶豆方筐縱八尺廣八尺圓箔出蘇州盤門張公橋大率三眠之蠶一斤分作一筐一筐可得繭八斤爲一車絲約重十五六兩養蠶人以筐計凡三十筐傭金一兩縲絲人以日計每日傭金四分或一車六分

養魚

鯉魚孕婦宜食○胎氣不長
鯉魚肉同鹽棗煮汁飲之

一曰種古法畜鯉魚以其不相食而易長耳今人惟購魚

鯪魚 膽治 喉中 哽刺 鯪魚 多食 發熱 發瘡 鯪魚 食之 令人 肥健

秧汎大江乘潮布網取之初時如針鋒然飼以鷄鴨之卵黃或大麥麩屑或豆末稍大則鬻池中閩錄云仲春取于於江曰魚苗畜于小池稍長入葦塘曰葦鱧尺許徙之廣池飼以草九月可取○鯪魚口濶而盆首似鯉而身圓又謂之草魚食草易長爾雅翼曰鯪魚食草○白鯪魚之貴者白露左右始可納池中前一月或後一月皆不育漁人携於舟若煎炙油氣觸之則目瞎京口錄云巨首細鱗池塘中多畜之○鯪魚出潮泥地仲春捕盈寸者養之秋而盈尺腹背皆肥此魚不食他物惟食泥與百藥無忌吳王

論魚以鯪為上京口錄云頭匾而骨軟閩志云目赤身圓

口小至冬能牽被自藏

二曰法地不宜太深大深則水寒而魚難長溫麻即汎遭

鴿糞及自糞多而自食之亦汎以園糞解之○食楊花則

病亦以糞解之○魚行遊晝夜不息有洲島環轉則易長

○池之旁樹芭蕉則露滴而可以解汎樹棟木則落了池

中可以鮑魚樹葡萄則架于上可以免鳥糞種芙蓉則

叢生岸畔可以避水獺○池之正北三面有日魚必聚焉

浚宜特深飼草亦宜此方一日兩番至冬水寒可不食矣

鱒魚 食之 補虛 益氣 不宜 久食

鱒開 尤良 蜈蚣 咬傷 白鱒 皮貼 之

白魚 志與 食同 鱒與 功同

○飼魚不可用水草恐有黑魚鮎魚等子在草上大來能食魚黑魚鱧魚也夜則仰首戴斗鮎魚鯪魚也即鯪魚也大首方口背青黑無鱗多涎

三曰品江海之產有鱒鯉魚其長丈餘鼻端有肉骨兩頰之肉可以為鮓京口錄云有二種鱒肉色白鯉肉色黃類

龍而無角廣州謂之鱒龍魚○鱸魚惟松江者四腮巨口細鱗非江海之產則二腮金谷園記曰秋仲由海而入江

可以作鱠京口錄云有二種曰脆鱸曰爛鱸閩志曰身有黑文○鱒魚腹下之骨如鋸可勒故名與石首同時出海

人醃乾謂之鱒鮓○鰮魚身廣而口小鱗細而骨軟出于海○石首魚其色如金俗名黃魚海人以水養之謂之冰

鮮棟花時來秋而化鳧炙穀子曰石首鰮也首有小石故名海族志云其初出水如龍鳴夜視之有光鹽晒為鱒則

曰白鮓閩人謂之金鱗又謂之黃瓜○白魚出于太湖避暑錄云梅後十有五日入時白魚最盛謂之時裏白○鰮

魚縮項穹脊細鱗博腹其味腴其色青白即魴魚也古稱漢水槎頭之鰮太湖中多有之○銀魚其形纖細明瑩如銀長者不過二寸最細者謂之湖團○鱠殘狀似銀魚而

鱗魚食之補虛益氣不宜久食

鱗開

中養尤良蜈蚣咬傷白鱗皮貼之

魚與志同食與鱗同功

○飼魚不可用水草恐有黑魚鮎魚等子在草上大來能食魚黑魚鱧魚也夜則仰首戴斗鮎魚鯪魚也即鯪魚也大首方口背青黑無鱗多涎

三曰品江海之產有鱗鯉魚其長丈餘鼻端有肉骨兩頰之肉可以為鮓京口錄云有二種鱗肉色白鯉肉色黃類

龍而無角廣州謂之鱗龍魚○鱸魚惟松江者四腮巨口細鱗非江海之產則二腮金谷園記曰秋仲由海而入江

可以作鱠京口錄云有二種曰脆鱸曰爛鱸閩志曰身有黑文○鱒魚腹下之骨如鋸可勒故名與石首同時出海

人醃乾謂之鱒鯿○鰮魚身廣而口小鱗細而骨軟出于海○石首魚其色如金俗名黃魚海人以水養之謂之冰

鮮棟花時來秋而化鳧炙穀子曰石首鱖也首有小石故名海族志云其初出水如龍鳴夜視之有光鹽晒為鱖則

曰白鯿閩人謂之金鱗又謂之黃瓜○白魚出于太湖避暑錄云梅後十有五日入時白魚最盛謂之時裏白○鰮

魚縮項穹脊細鱗博腹其味腴其色青白即魴魚也古稱漢水槎頭之鰮太湖中多有之○銀魚其形纖細明瑩如

銀長者不過二寸最細者謂之湖團○鱠殘狀似銀魚而

鱖魚
補虛
勞

鯽魚
功効
居多
宜食
之

河豚
美
不
思
不
為
愈

而大仲春時出于海清明後嘯子。○鱖魚盛于四月鮮白如銀其味甘美廣州謂之三鰲魚。○紫魚狹薄而首大長者盈尺其形如刀俗呼為刀鱖初春出于湖爾雅云今之紫魚也亦呼為刀魚。○鮭子魚生而帶子。○鰕音桂魚巨口細鱗肉味鮮美背黑有斑本草云劉仙人常食石桂魚鄉人至今有桂之呼焉。○鯽魚即鮒魚也此魚旅行鮒者相即鮒者相附也至冬味美。○鰕虎魚類土附而腮紅形若虎善食鰕俗謂之新婦魚。○土附魚似黑鯉而短小附土而行不似他魚浮水故名京口錄云首大而身小謂之吐

鮒。○鱖魚其色黃謂之黃頰。○針口魚首戴針芒身長四五寸土人多取為鱖。○河豚魚出于江海烹調者須去其腹之子目之精脊之血其毒在肝洗宜極淨煮宜極熟其白名為西施乳列八珍內若有斑痕及獨肝燕尾之類俱當棄之中其毒者橄欖湯解之。又有一種斑魚狀似河豚而小實非同類食之無害。○凡魚嘯子必沿水痕雖乾涸十年遇水相生其長甚易嘯子時候以五月惟銀魚鱸殘魚嘯子于水水解三日即生也。○捕魚鰕宜亥日又宜危日。

養鶴白鶴卵一枚與小兒食之能預解痘毒多者令少少者令不出○頂血食之殺人

鶴一名仙客一名胎仙揚州呂四場產者為佳相傳為呂仙遺種履跡而孕又云雄鳴上風雌鳴下風聲交而孕歲生數卵四月雌鶴伏卵雄鶴往來為衛見雌起則啄之見人窺卵則啄破而棄之鶴生三年頂赤七年鬪具十年十二時鳴三十年鳴中律舞應節六十年藜毛生泥不能污一百六十年雌雄相視而孕一千六百年形始定飲而不食乃胎生相鶴之法隆鼻短口則少眠高脚踈節則多力露眼赤睛則視遠回翎亞膺則體輕鳳翼雀尾則善飛龜背鼈腹則能產輕前重後則善舞洪髀纖指則能行羽毛皓潔舉則高而聲聞遠養以屋必近木竹給以料必備魚稻若蓄以籠飼以熟食則塵濁而乏精采非鶴俗也人俗之耳

養牛腹中痞積用黃牛肉四兩切片以風化石灰擦之蒸熟食常食其痞自消凡自死病死獨肝等

牛皆不可食

牛者農之本諺云家有一牛可代七人之力每日水草不可失時新草未生之際截斷稻草和以糠豆之類拌勻微濕令飽飼之有草時放牧先令飲水然後食草則腹不脹

掖下 抵真 用牛 脂和 胡粉 空三 次米 除 嫩 用牛

蹄甲 燒灰 桐油 調敷 玉莖 生瘡 同方

夏間勿觸熱。冬間要溫暖。忌霜雪。勿凍餒。相法。眼要去角。近。又要眼大白。脉貫瞳子。頸骨長大。後脚股濶。並能快便。毛欲短密。疎者不耐寒。角欲細。身欲粗。尾稍長。大者佳。尾稍亂。毛拳曲。命短。勿用。相母牛法。毛白乳紅。多子。乳疎黑。無子。生時。子卧。面相向。為吉。相背。子疎。一夜下糞三堆。一年生一子。一夜只一堆。三年生一子。瘴疫。燒蒼朮。置欄中。以鼻吸香。則止。牛噎。用皂末吹入。

養馬

馬肉食之無益。有損。小兒夜啼。馬蹄末敷乳上。食之。即止。絞腸痧痛欲死。馬糞研汁飲之。立愈。

馬者。火畜也。其性惡濕。利居高燥。忌作房于午位。仲春。放淫。順其性也。季春。必啗。恐其退也。盛夏。必浸。恐傷于暑也。季冬。必溫。恐傷于寒也。久步。則筋勞。久立。則骨勞。久汗。不乾。則皮勞。汗未燥。而飲飼。則氣勞。驅馳無節。則血勞。此五勞。宜時加調治。喂料。須擇新草。篩簸穀豆。若熟料。用新汲水。浸冷。方可喂之。若熱。不宜加熟料。飲以新水。一日三次。早午晚。是也。冬月。飲水。訖。亦須騎驟。摘卸。不宜當風。空喘。毛焦。用麻子。一升。飼之。生疥瘡。用生胡麻葉。搗汁。灌之。脊瘡。用黃丹。敷之。傷水。先燒亂髮。薰兩鼻。後用川烏。草烏。白芷。胡椒。猪牙皂。角各等分。麝香。少許。為細末。用小竹管吹。

打傷 青腫 用炙 猪肉 貼之

中羊 毒飲 甘草 湯即 解 羊肉 忌銅 器

繼死 未絕 白雞 血塗

入鼻中。加瓜蒂。兼治一切中結病症。後勝冷跂。葱薑各五兩。水五盞。煎半盞。和酒灌之。尿血。用黃芪。烏藥。芍藥。山茵陳。地黃。堯苓。枇杷葉。為末。漿水煎灌之。

養猪

猪肉食之。令人暴肥。蓋虛風所致也。宜少食為妙。○風狂歌笑。用豕猪肉煮熟。切膾。和醬食之。

母猪取短喙無柔毛者。良喙長則牙多。一廂三牙以上。則不須畜。以其難肥耳。牝者子母不同圈。若同圈。則喜相聚而不食。牡者同圈。則無害。圈不厭小。處不厭穢。亦須小。厰以避雨雪。春夏草多。隨時放牧。糟糠之類。當食。則與八九月放而少飼。有病割去尾尖。出血即愈。瘡疫。以蘿蔔葉飼之。

養羊

壯陽補腎。用白羊肉半斤。切生。以蒜薤之。三日一度。甚妙。誤吞蜈蚣刺。猪羊血灌之。即出。

羊種以臘月。正月生者為上。母羊十隻。羝羊只用二隻。少則不孕。多則亂群。羊性惡濕。棚棧宜高燥。常常掃除糞穢。巳時放之。未時收之。二日一飲水。緩驅行。勿停息。春夏早放。秋冬晚出。食熟物。則腹脹。不能轉草。以水洗眼。及鼻中膿污。令淨。再用鹽擦其舌。立愈。

養雞

辟禳瘟疫。冬至日。取赤雄雞作腊。至立春日。煮熟。食至盡。百虫入耳。雞冠血入。即出。

鷄種霜降時收。形小毛淺。脚細短者佳。鷄栖宜據地為籠。

喉下
即生

籠內著棧。可免狐狸之害。若焚柳柴。小者死。大者盲。以油和麩。捻成指尖大塊。日與數十枚食之。或以土硫黃研細。同飯拌勻。喂數日。即肥。生雞初到家。便以淨溫水洗其足。放之。自然不走。

養鷺鴨

白鷺無毒。蒼鷺有毒。多食發病。壹食病。用白鷺尾毛燒灰。每服一錢。米湯下。

相雌雄鴨。其頭欲小。口內齧有小珠。五者生卵多。三者為次。大率鷺三雌一雄。鴨五雌一雄。生卵則收置煖處。以柔草覆之。令母雞代哺。雛出。先以糙米磨碎。切苦菜蔓菁。拌勻喂之。沃以清水。濁則有泥。恐小鷺塞鼻孔。則死。入水不

宜停久。尋宜驅高處。喂細草。令寢處籠中。半月之後。乃出籠。鷺惟食五穀。稗子及青草。嫩菜不食。生蟲鴨。則靡所不食也。雌鴨無令雜雄。常令食足。一鴨可生百卵。每年五月五日。不得放栖。只乾餵。不可與水。則日日生卵。

蜜蜂

難產。橫生。用蜂蜜真麻油各半碗。煎減半。服之。立下。誤吞銅錢。煉蜜二升。服之。可出。

菜花盛時。於古穴山野間收取。或編荆圍。或造木匣。兩頭泥封。開一二小竅。使通出入。另開一小門。時時開却。掃除令淨。不使他物所侵。相近簷下。去蜘蛛網。及防山蜂土蜂。蠹蝕。九十月間。天氣漸寒。百花已盡。宜留蜂。冬月所食之。

蜜餘者割取作蜜蠟。至春三月掃除。仍如前法養。久蜂盛。一窠止留一王。遇蜂王分窠。群蜂夾輔飛出。用碎土撒而收之。別置一筒。並忌火日。割蜜法。先照蜂窠樣式。再做方匣一二層。抽去底板。將方匣接放安置。仍以底板襯之。令蜂做蜜牌子于下。停數日。乘夜蜂伏而不動之時。用刀割取。或用細繩拗斷。却封其窠。然後以蜜牌子用新生布濾淨。磁器盛之。濾存蜜渣。入鍋內。慢火熬煎。候融化。扭出渣。再熬用錫鏟。或瓦盆。先盛冷水。次傾蠟在內。以蠟盡爲度。陰陽變化論云。蜂每歲三四月生黑色蜂。名曰將蜂。又名相蜂。老王乃相蜂所生也。相蜂不能採花。但能釀蜜。若無此蜂。不能成蜜。至七八月間。相蜂盡死。相蜂不死。則群蜂饑。俗云。相蜂過冬。蜂族必空。蜂王大如小指。不螫人。蜂無王則死。有二王。卽分分時。乃老王遜位而出。均挈其半。未嘗多寡。從王出者。不復回。飛止必環衛其王。皆有隊伍。行列採花時。一半守房。一半挨次差撥。花少者受罰。每日必三朝。汝南圃史云。蜜蜂採他花。俱用雙足挾二珠。惟採蘭花。則但背負一珠。以此頂獻蜂王。古人謂蜂有君臣之義。信然哉。

養貓 對口毒瘡。貓頭骨燒存性。研末。每服三五錢。酒下。鼠咬成瘡。貓糞揉之。即愈。

辟鼠之貓。不待聲喊。鼠自避藏。相法純黃純白純黑者佳。

身上有花。四足及尾俱花。謂之纏得過。亦佳。口中三坎捉。

一季。五坎捉。二季。七坎捉。三季。九坎捉。四季。耳薄者不畏。

寒訣曰。露爪能翻瓦。腰長會走家。面長雞種絕。尾大懶如。

蛇有病。烏藥投水灌之。踏傷蘇木煎湯療之。煨火疲瘁。將。

硫黃少許。納猪腸中。煮熟喂之。凡納畜。宜用龍虎日。正。

月巳日。二月亥日。三月午日。四月子日。五月未日。六月丑。

日。七月申日。八月寅日。九月酉日。十月卯日。十一月戌日。

十二月寅日。是也。

耕種吉凶宜忌

耕田吉日

乙丑 巳巳 庚午 辛未 癸酉 乙亥 丁丑

戊寅 辛巳 壬午 乙酉 丙戌 丁亥 巳丑

辛卯 癸巳 甲午 巳亥 辛丑 壬寅 甲辰

乙巳 丙午 巳酉 癸丑 甲寅 丁巳 巳未

庚申 辛酉

耕田凶日

月大忌 初六 二十二 二十三

月小忌 初八 十一 十二 十七 十九 二十七

燒田吉日

巳未

燒田凶日

火隔

此日亦忌
燒山炭

壠田吉日

用火為吉如丙寅丁卯甲戌乙亥之類

壠田忌土鬼有九日

癸巳

甲午

乙酉

辛丑

壬寅

巳酉

庚戌

丁巳

戊午

浸穀種吉凶

甲戌

乙亥

壬午

乙酉

壬辰

乙卯

下秧吉日

辛未

癸酉

壬午

癸未

甲午

甲辰

乙巳

丙午

丁未

戊申

巳酉

乙卯

辛酉

巳亥

乙未

種秧吉日

甲子

乙丑

丁卯

巳巳

癸酉

乙亥

丙子

巳卯 庚辰 辛未 甲申 乙酉 巳丑 辛卯

癸巳 乙未 丙申 戊戌 巳亥 庚子 辛丑

壬寅 癸卯 丙午 戊申 巳酉 癸丑 戊午

巳未 庚申 辛酉 癸亥

種五穀總忌

丁亥日

種麥吉日

庚午 辛未 辛巳 庚戌 庚子 辛卯

八月三卯日種麥為上

種麥忌日

十二月丁日

種粟吉日

丁巳 巳卯 乙卯 巳未 辛卯

三月三卯日種粟為上

種豆吉日

甲子 乙丑 壬申 丙子 戊寅 壬午 壬寅

六月三卯日種豆為上又六月戌日為忌

種黍吉日

戊戌 巳亥 庚子 庚申 壬申

種蕎麥吉日

甲子 壬申 辛巳 壬午 癸未

種麻吉日

巳亥 戊申 壬申 甲申 辛亥 庚申

正月三卯日種麻為上

龍巖變吉日

九月 甲子 丙寅 庚午 辛未 壬申 丙子

辛巳 癸未 甲申 癸巳 甲午 丙申 巳亥

庚子 丙午 戊申 丁巳 巳未 庚申 壬戌

癸亥

十月 甲子 乙丑 丁卯 庚午 壬申 癸酉

丙子 丁丑 巳卯 壬午 癸未 甲申 戊子

巳丑 辛卯 乙未 戊戌 巳亥 庚子 癸卯

丙午 壬子 丙寅 乙卯 巳未 庚申 壬戌

十一月 甲子 乙丑 丁卯 壬申 癸酉 甲戌

丙子 甲申 巳丑 丁酉 壬寅 癸卯 甲辰

癸丑 甲寅 辛酉 壬戌

礮變忌日

年月執破二辰

礮變坐向忌方

年月執破二方

穀米入倉吉日

庚午 甲戌 乙亥 丙子 巳卯 辛巳 壬子

癸未 巳酉 戊子 巳丑 庚寅 乙未 壬寅

癸卯 甲辰 巳酉 丙辰 癸亥

典田買田佃田吉日

開滿成收及黃道日

典田買田佃田凶日

戊巳及赤口日

田家通忌

田祖卽神農甲寅死 田主乙巳死辛亥葬

田父丁亥死丁未葬 田母丙戌死丁亥葬

田夫丁亥死辛亥葬 以上諸日並忌開田種作耕耘

后稷癸巳死是日專忌播種凡九穀不避忌必多傷敗

種菜吉日

壬戌 辛卯 戊寅 庚寅

種菜凶日

秋社前逢庚日 秋社後逢巳日

種瓜吉日

甲子 乙丑 庚子 壬寅 乙卯 辛巳

種葱吉日

甲子 辛未 巳卯 甲申 辛巳 辛卯

種蒜吉日

戊辰 辛未 丙子 辛巳 壬辰 癸巳 辛丑

戊申

種芋吉日

庚子 壬戌 壬申 辛巳 壬午 辛卯 戊申

種薑吉日

甲子 乙丑 辛未 壬申 壬午 癸巳 辛卯

種果吉日

丙子 戊寅 巳卯 壬午 癸未 巳丑 辛卯

戊戌 庚子 壬子 癸丑 戊午 巳未 巳亥

丙午 丁未 乙卯 戊申 巳巳

種樹吉日

甲戌 丙子 丁丑 巳卯 癸未 壬辰

種樹凶日

丙戌 壬戌 又云乙日不栽木

種花果飛蟲不食日

成滿天倉生烝黃道豐旺等日 又每月巳亥甲午癸未

日

種花果避蛙

甲子旬中乙丑日蛙 甲戌旬中巳卯日蛙

甲申旬中無蛙日 甲午旬中前五日蛙

甲辰旬後五日蛙 甲寅旬中無蛙日

田家曆

正月

豎籬落 糞田 開荒 修蠶屋 織蠶箔 造桑機

造麻鞋 舂米 築墻

二月

栽柳 舒葡萄上架 解栗裏縛 去石榴裏縛 寒食

前後收柴灰 造布 浣冬衣 採桑蠶蛸

三月

利溝瀆 葺垣墻 治屋室以待霖雨 脫擊 移茄子

造酪

四月

收蔓菁芥蘿葡等子 收乾椹子 鋤葱 收乾笋藏笋

此月伐木不蛀 修防堤開水竇 正屋漏以備暴雨

五月

灰藏毛羽物 收蠶種豌豆蜀芥胡荽子

六月

命女工織紬絹 收芥子 收花藥子 收李核便種

收苜蓿 收槐花曝乾 斫竹 此月及八月不蛀 漚麻 晒鹽

禡書裝 種小蒜 種蘿葡

七月

收楮子 浣故衣製新衣作夾衣以備秋涼 刈蒿草

種蜀芥 分薤 漚晚麻 耕菜地 收荷葉陰乾 收

瓜蒂 收蒺藜

八月

收薏苡 收角蒿 收韭花 收胡桃 收棗子 開蜜

收油麻秫豇豆 備冬衣 刈莞草

九月

收豕 收皂角 貯麻子油 採菊花 收木瓜

十月

築垣墻墜北戶 縛薦 遮掩牛馬屋 收槐實梓實

收牛膝地黃 造牛衣 盤蔴葡萄包裹栗樹石榴樹

不關

即凍死 收諸般穀種大小豆種

十一月

貨薪柴綿絮 伐木作竹箭此月堅成 造什物農具

折麻放麻 刈蒿棘 貯年支草于隙地至六月及秋霖

時俱倍利

十二月

造車 貯雪水 收臘糟 糞地 刈棘屯牆 造農器

收羔種 牧牛糞

每月栽種書

正月

元旦雞鳴以火照桑果無蟲 辰日將斧駁斫樹則結子不落 此月栽樹為上時 以甌石放李樹岐枝多結子

○凡栽果上半月栽者多結子南風火日不可栽○下茄
瓜天蘿子蕙苡仁諸般花草并楊柳木香長春佛見笑蓄
薇石榴梔子種松桑榆柳棗葱葵韭麻椒牛旁子竹宜初
二日種樹木宜上旬○下綿花苦蕒山藥冬瓜接諸般花
果宜三十日○移諸般花果樹以上凡種時並忌南風火
日○鋤芸麥宜用此月過則失時○修果木去低小亂枝
條勿令分力

二月

此月丙申埋諸般樹條則活○下麻子山藥○并芙蓉石
榴木槿○種槐茶莧薤木瓜桐樹決明百合胡麻黃精竹
茄瓜枸杞萱草蒼朮鳳仙芭蕉地栗蒿苣茨茹生菜芋宜
雨後葫蘆王瓜東瓜○宜下蘿蔔烏頭豌豆甘蔗菜萹○
移玉簪石菊山茶山丹桃李梅棗柑柿諸般花果俱忌南
風火日○種椒種茶○壓桑條

三月

種菜豆山藥王瓜早芝蔴匏瓠胡蘆梔子地黃靛青瓠瓜
甜瓜匾豆芋紫蘇黃獨葶薺木棉麻子菱○移椒茄秧芍
藥百合剪金菱白枸杞蒲○梔子帶花移則活梅雨宜扞

接梅杏豇豆○收薺菜花

四月

此月伐木不蛀○下芝蔴○種夏蘿蔔耘菜椒菘大豆紫蘇晚王瓜葵連菜豆白莧枇杷荷根麻○扞梔子荼藤木香○收蘿蔔子蚕豆葱子

五月

下夏菘菜○種晚大豆菖蒲晚小豆香菜桃杏梅核○種竹斬桑○收菜子大蒜紅花槐花小麥靛青蒼耳鶯粟蘿葡子苧麻收蚕種○浸蚕種

六月

種小蒜冬葱葫蘆早蘿蔔晚越瓜油蔴夏菘菜○收椒紫蘇斫苧麻○澆甘蔗柑橘橙○鋤竹園地苧麻地

七月

種小蒜葱蒿菜蘿蔔赤豆薑蔓菁早菜蕎麥胡蘿蔔菠菜芥菜○收藏椒紫蘇瓜芙蓉葉

八月

種大蒜鶯粟寒豆生菜苦蕒苧麻諸般菜葱子大麥牡丹芍藥韭子麗春紅花椒諸色菜子○移早梅木犀橙橘枇

把木香○分牡丹芍藥根并諸色花果○鋤竹園地

九月

種椒菜萹地黄蚕豆柿蒜芥菜藏矮黃菜○移山茶蠟梅
種果木

十月

種大小豆春菜生菜蘿蔔諸色菜○接花果壓桑條澆灌
花木○收茶子山藥子桑葉芋頭冬瓜

十一月

種小麥油菜萹苣桑蘿蔔種○移松柏檜接木夾籬澆菜
伐竹木收藏○會芙蓉條

十二月

種菊松花樹桑大麥○扞柳○壓桑條壓果樹○添桑土
○墩牡丹皮○浴蚕種

重訂增補陶朱公致富奇書卷之三終

○ 越中 長史 ○ 孫 亮 孫

○ 孫 亮 孫 亮 ○ 孫 亮 孫 亮 ○ 孫 亮 孫 亮 ○ 孫 亮 孫 亮

十二月

○ 孫 亮 孫 亮 ○ 孫 亮 孫 亮



